

Իսկ ի՞նչ վերաբերում ունէին դէպի թիւրքական յարձակումը դաշնակիցները: Դեռ օգոստ. 8-ին, Հայաստանի կառավարութիւնը շրջաբերական յայտարար էր ուղղել բոլոր դաշնակից պետութիւնների կողմասեան ներկայացուցիչներին՝ ցոյց տալով, որ քեմալականները ձգտում են Հայաստանի վրայով միանալ բոլշևիկների հետ և նրանց օգնութեամբ շարունակել պայքարը դաշնակիցների դէմ: Հայաստանի կառավարութիւնը փաստերով հաստատել էր, որ բոլշևիկներն ու քեմալականները Ազրբէջանն ու Պարսկաստանը դարձնում են իրենց անմիջական գործունէութեան վայր և որ բոլշևիկ համխոլաժական-համաթիւրքական ծովի մէջ միայն Հայաստանն է մնացել մի փոքրիկ օազիս, որը հեշտութեամբ ստքի տակ կերթայ, եթէ դաշնակիցները լուրջ օգնութիւն չտանայ: Ոչ մի շօշափելի օգնութիւն չստացւեց դաշնակիցներից, եթէ չհաշւենք Անգլիայի ծախած մէկ միլիոն ոսկու ռազմաթիւրքն ու զինուորական հագուստը: Պատերազմը սկսելուց յետոյ, Հայաստանի կառավարութիւնը նորից դիմեց դաշնակիցներին: Պատասխանը եղաւ նոյնը. համակրական խօսքեր և ոչ մի գործնական օգնութիւն:

Այսպիսի պայմաններում սկսեց թիւրք-հայկական պատերազմը. Հայաստանը բառիս բուն նշանակութեամբ մնացել էր մենակ: Նա բոլորովին պատրաստ չէր այդ պատերազմին: Դեռ նոր էր դուրս եկել ներքին քաղաքացիական կռիւների շրջանից: Մայիսեան բոլշևիկեան շարժումները կազմալուծել էին նրա բանակը. թիւրքական շրջանների նւաճման գործողութիւնները աւելի ևս թուլացրել էին երկրի մարտական ուժերը: Ազրբէջանը նաեւ չէր տալիս և Հայաստանի երկաթուղին հազիւ շունչ էր քաշում: Բոլշևիկեան յարձակումները Ղազախի, Բասարզեշարի, Դարալագեանի և Շարուրի շրջաններում անընդհատ ջղային վիճակի մէջ էին պահում Հայաստանը և ստիպում, որ հայկական զօրքերը մնան ցրած վիճակի մէջ: Բացի այդ, ժողովուրդը դրազած էր բերքը հաւաքելով. անձրևոտ եղանակի պատճառով հունձքը վերջացաւ ուշ և ամէն ոք շտապում էր կալսել ու պատրաստել իր ձմեռայ պաշարը: Զինուորական իշխանութիւնը թոյլ էր տւել, որ բանակի զինուորների մի մասը գնայ տուն դաշտային աշխատանքներ կատարելու համար: Թիւրքերի ընդհանուր յարձակումը յանկարծակիի բերեց հայկական բարձր հրամանատարութեան: Ամբողջ ճակատի վրա, Սուրմալուից մինչև Օլթի, հայկական ուժերի թիւը վեց հազարը չէր անցնում, որից շուրջ 2500 Սուրմալուում, մնացածը՝ Կարսի ճակատի վրա:

Իսկ ի՞նչ ոյժ ունէին թիւրքերը, Հայաստանի դէմ պատերազմը սկսելիս: Համաձայն Հայաստանի սպարապետի սպայակոյտի հետախուզական բաժնի յուլիս 6 տեղեկութեան*) թիւրքական բանակը Հայաստանի սահմանի վրա հետևեալ կերպով էր դասաւորւած. 15րդ կորպուս՝ հրամանատար Քեազիմ Կարաբեքի փաշա: Էրզրումում գտնւում էր 17րդ գունդը և 9րդ դիւրդիայի սպայակոյտը — հրամանատար՝ Ռուշտի բէյ: Հասան Ղալալում գտնւում էր 28րդ գնդի կենտրոնը և չորս լեռնային թնդանօթ. Թորթումում՝

*) Секретная сводка развед. отд. шт. ком. войсками Армении 6 июля 1920 г. № 20